



REGIONE AUTÒNOMA DE SARDIGNA  
REGIONE AUTONOMA DELLA SARDEGNA



## UFÌTZIU LIMBA SARDA

Unione Comunes de Pianalza

Lege 482/1999 (Artt. 9 e 15)

Lege regionale 22/2018 (art. 10, comma 5, annualidade 2022)



Gianfranca  
Piras

Maria Giovanna  
Serchisu

# Nadale in allegria

Teatrinos, poesias e ischedas didàticas  
pro faeddare de su Nadale  
a sos pitzinnos minores



Bosa



Frussio



Magumadas



Mòdolo



Montresta



Sàgama



Sune



Tinnura



Tresnuraghes



Bosa



Frussio



Magumadas



Mòdolo



Montresta



Sàgama



Sune



Tinnura



Tresnuraghes

Custu traballu est fatu dae s'Ufitziu Limba Sarda (Isportellu linguisticu ùnicu pro àrea) de s'Unione Comunes de Pianalza.

A su progetu b'ant leadu parte sos Comunes chi s'ghint:

Bosa, Frussio, Magumadas, Mòdolo, Montresta, Sàgama, Sune, Tinnura, Tresnuraghes.


© Copyright MMXXII

Sos deretos de tradutzione, de memorizatzione eletrònica, de copiadura e de adatamentu fintzas partziale, cun cale si siat mezu, sunt riservados pro totu sos Paisos.


Imprintadu in su mese de santugaine de su 2023.






## PRESENTADA



Comente operadoras de s'Ufitziu Limba Sarda in custos annos amus traballadu paris cun sas iscolas e nos est capitadu bortas meda chi sos mastros nos apant pedidu materiale pro faeddare de su Nadale o pro fàghere teatrinos de Nadale in sardu. Essende chi materiale prontu non si nd'agatat, amus pensadu de l'aprontare nois, inventende-lu a nou o adatende e bortende in sardu materiales chi amus agatadu in Internet o in àteras publicatziones chi nos sunt agradadas. Unu de sos libros chi nos at dadu ideas bellas est una publicatzione nàschida dae unu progetu de isperimentatzione didàtica de s'iscola elementare de Iscanu, chi in sos annos 2001, 2002 e 2003 at permitidu a sos pitzinnos de connòschere mègius sa bidda issoro. Su libru est intituladu "Iscanu - Po no immentrigare".





In su libru nostru ponimus totu su materiale chi podet bisongiare a unu mastru chi cheret faeddare de su Nadale a sos pitzinnos: ischedas didàticas, poesias, teatrinos, contos chi faeddant de su presèpiu e de sos àteros sìmbulos cullegados a custa festa (s'àrbore de Nadale, Babbu Nadale, sa Befana).




Comente amus iscumproadu in tantos annos de traballu, sos libreddos agiuant meda a sos mastros chi cherent fàghere letzione in sardu, e a sos pitzinnos lis dant una resone in prus pro s'impignare in sas atividades.

Cale limba amus impreadu pro iscriere? Dae su primu libreddu, essidu in su 2012, amus detzisu de impreare s'istandard ortogràficu aprovadu dae sa Regione Sardigna e connotu comente Limba Sarda Comuna (LSC).



Pro ite l'amus fatu? Ca sos libreddos los amus dados a pitzinnos de tantas biddas diferentes ognuna cun sas particularidades linguìsticas suas e amus pensadu de iscriere in una limba chi siat che pare pro totus in s'iscritura ma chi si potzat adattare, leghende, a sa variedade linguìstica de ogni bidda. Custu in iscola l'amus ispiegadu a sos pitzinnos e issos no ant tentu difficultade peruna a lu cumprèndere ca sunt abituados a istudiare limbassas che su frantzesu e s'inglesu, chi s'iscrient in una manera e si leghent in un'àtera.



Cun su libreddu de Nadale sighimus in cussu caminu augurende a totus bonas festas e bonu traballu, e de nde tènnere profetu mannu!



Gianfranca Piras e Maria Giovanna Serchisu  
(Ufitziu Limba Sarda de Piana S'Arre Sanna e Montiferru otzidentale)





# S'isteddu cun sa coa

## NARRADORE

E totu in una, in su chelu nieddu, amus bidu totu custos isteddos... Sunt riende cuntentos, ca ischint chi in sa gruta de Betlemme b'est nàschidu su Bambinu, Gesùs. Ma un'isteddu est pranghende... E pro ite at a èssere?



### Isteddu 1

Apo ischidu una nova...



### Isteddu 2

Deo puru.



### Isteddu 3

E cale nova?



### Isteddu 1

Chi nant'chi in Betlemme b'at nàschidu unu pitzinnu chi nant'chi at a èssere Deus.



### Isteddu 3

Ite cosa bella... E chie ti l'at narada?



### Isteddu 2

A mie un'ànghele.



### Isteddu 1

E nant'chi at a èssere in una gruta frita che nie, e nant'chi l'ant a àere postu in una mandigadòrgia





### Isteddu 3

Ea, abbaidade! Custu isteddu est pranghende...  
Nara, e pro ite ses pranghende, tue?



### Isteddu 4

*(Pranghende a sucùtidu)*  
Ca m'at essidu una coa...



### Isteddu 1, 2, 3

Ea oh!!!  
Portat una coa de a beru!!!



### Isteddu 4

Mi dat tropu infadu, non faghet a caminare.



### Ànghelu

Machillotu, non pranghes, ca custa coa chi t'est essida  
serbit a inditare su caminu a chie cheret andare  
a bìdere su Pitzinnu.



### Isteddu 4

*(assutende si sas làgrimas)*  
E deo chi mi nde la cheria istratzare...



### Ànghelu

Comente!!! Finas sos Tres Res sunt isetende a tie  
pro imparare su caminu...



### Isteddu 4

A cosa bella, oh! So tropu cuntentu!

## NARRADORE

S'isteddu cun sa coa mustreat su caminu a sos pastores e a totu sa gente chi cheret andare a Betlemme. E intantu in sa gruta...




### Aineddu

Ite belligheddu chi est custu pitzinnu!



### Boe

Tocat a lu cheghentare, ca tenet fritu...



### Aineddu

Acùrtzia a inoghe, a li cheghentare sas manos e sos pees.

### Boe

A li cantamus una cantzone, pro lu dormire?

*(Si cantat una cantzone de Nadale)*



### Nostra Signora

Acudide a inoghe, a bìdere a Deus pitzinnu.



### Primu Pastore

Ea, unu pagu de late l'apo batidu.



### Segundu Pastore

E deo unu pagu de casu.



### Gaspere, Baldassarre e Mertzioro

E nois puru amus batidu carchi donu pro festare a su Re de su mundu chi est nàschidu oe.


# Lughet in chelu un'isteddu

Colora comente agradat a tie




Lughet in chelu un'isteddu  
cun sa coa longa e bella.  
S'intendet in sa capanna  
una durche ninna-nanna.

B'at unu pitzinnu brundu  
cun sa cara tunda-tunda,  
chi retzit donos e frores  
dae sos ùmiles pastores.




# S'àrbore de Nadale

Colora cunforma a sos nùmeros






# Ite figura at a essire?

Auni sos puntigheddos  
e a pustis colora



# Botziteddas pro s'àrbore de Nadale

Colora cunforma a sos nùmeros



-  1 Birde
-  2 Grogu
-  3 Ruju
-  4 Colore de chelu
-  5 Colore de rosa
-  6 Colore de castàngia

S'arbore  
de Nadale

Fini de pintare e a pustis  
colora a praghene tuo



# A su Presèpiu

## Pitzinnu 1

Salude Gesùs, semus bènnidos a ti salutare!



## Pitzinnu 2

Ti cherimus bene meda e semus cuntentos de istare afaca a tie.

## Pitzinnu 3

Tue intendes sa boghe de su coro nostru.



## Pitzinnu 4

Deo t'apo batidu custa camisedda de fradigheddu meu.

## Pitzinnu 5

E deo cun sas pumas de una puddighina t'apo fatu unu cabidale, gasi non pones prus sa conchighedda tua subra sa paza.



## Pitzinnu 6

Custa careta de lana ti podet bisongiare, Gesùs... Ses gasi pòberu...

## Pitzinnu 7

Deo apo chircadu in domo ma no apo agatadu nudda a ti batire... Tèngio custa caramella ebbia, no l'apo mancu assagiada. Lea, ti la regalo: est bona meda!



## Pitzinnu 8

Deo tèngio custa trumbita, ascurta comente sonat! Ti la dao, gasi podes giogare cun sos àteros pitzinnos.

## Pitzinnu 9

T'apo aprontadu custu corbingiolu cun paperi chi paret de prata. L'aia chèrfidu prenare de froes ma est faghende fritu meda e in s'ortu non nd'apo agatadu mancu unu.







★ **Nostra Segnora**  
Sos froes de su coro non morint mai!



**Pitzinnu 1**  
Custu est su frede de sa bontade, de su bonu coro e de sa gentilesa.

**Pitzinnu 2**  
Custu est su frede de sa paghe e de sa cuncòrdia.

**Pitzinnu 3**  
Custu est su frede de s'ubbidientzia e de sa bona voluntade.

**Pitzinnu 4**  
Custu est su frede de sa caridade e de s'umiltade.

**Pitzinnos 5, 6, 7, 8, 9**  
Gesùs, agiu a nos a èssere semper prus bonos pro nos assimigiare a tie!

**TOTUS**  
Chi sos froes de su coro nostru non mòrgiant mai!  
Bona Pasca de Nadale a totus!



# Sos personàgios de su Presèpiu




Nostra Segnora  
Sa mama de Gesùs



Su Pitzinnu  
Est Deus fatu a òmine



Santu Zusepe  
Su babbu de Gesùs



S'aineddu e su boe  
chi ant cheghentadu a Gesùs




S'ànghele  
chi cantat "Osanna"




Su pastore e sas berbeghes  
chi sunt andados a adorare a Gesùs



Sos Tres Res  
chi sunt bènnidos dae logos a tesu  
pro adorare a Gesùs



S'isteddu cun sa coa  
chi at inditadu su caminu  
a sos Tres Res



Su cammellu  
chi at portadu a caddu  
sos Tres Res

# Nadale

Colora comente agradat a tie

Ocanu a Nadale  
iseto unu donu ispetziale:  
chèrgio allegria  
pro cantare in cumpangia  
una durche melodia  
pro te, Gesùs, ebbia.



Sos Tres Res bonos  
benint pro batire sos donos

Colora comente agradat a tie



# Cando est nàschidu Gesùs?

## **NARRADORE**

Calicunu de bois àteros m'ischit nàrrere cando est nàschidu Gesùs?

## **Pitzinnu 1**

In ghennàrgiu, cando so nàschidu deo?

## **NARRADORE**

Nono, in bennàrgiu nono, ca su nie est artu.  
Chissai ite fritu, s'iscureddu!

## **Pitzinnu 2**

In freàrgiu?

## **NARRADORE**

Mancu in freàrgiu ca benit  
su Carrasegare.

## **Pitzinnu 3**

In martzu?

## **Pitzinnu 4**

In aprile?

## **Pitzinnu 5**


In maju?

## **NARRADORE**

Nemmancu. Pro ite, no l'ischimus.

## **Pitzinnu 6**

Forsis est pro s'oròscopu.



## **NARRADORE**

Assora, chie m'ischit nàrrere cando est nàschidu Gesùs?

### **Pitzinnu 7**

In làmpadas?

### **Pitzinnu 8**

In trìulas?

### **Pitzinnu 9**

In austu?

## **NARRADORE**

Nono, nemmancu,  
ca faghet caldu meda  
e s'àiinu e su boe  
no lu podent cheghentare.



### **Pitzinnu 1**

Apo cumpresu, est nàschidu in cabudanni.

## **NARRADORE**

Mancu in cabudanni ca sas fògias  
sunt grogas e so seguru chi a issu  
no l'agradat su grogu.

### **Pitzinnu 2**

In santuaine?

### **Pitzinnu 3**

In santandria?

## **Totus:**

In nadale?

**NARRADORE**

Ooh, finalmente! Est nàschidu pròpiu in su mese de nadale!

**Totus**

E pro ite? E pro ite?

**NARRADORE**

Ca est NADALE!

**Totus**

Bona Pasca de Nadale a totus!



# Gesùs Bambinu

## Leghe e colora

Gesùs Bambinu bestidu de **biaitu**  
bati sos donos a chie est in su fritu;

Gesùs Bambinu bestidu de **ruju**  
bati sos donos a chie est in su buju;

Gesùs Bambinu de **birde** bestidu  
bati sos donos a chie est famidu;

Gesùs Bambinu bestidu de **grogu**  
bati sos donos in ogni logu;

Gesùs Bambinu **de ogni colore**  
bati a su mundu sa paghe e s'amore!





# Campaneddos

Colora cunforma a sos nùmeros



Ruju



Colore de arantzu



Birde



Grogu



Colore murru



Colore de castàngia





# Sos giogos isparidos

## NARRADORE 1

Babbu Nadale bivet in una bidida a tesu a tesu, in su Polo Nord, paris cun sos folletos chi cun issu faghent sos giogos pro sos pitzinnos bonos.

## NARRADORE 2

Ma una die, pagu in antis de Nadale, Babbu Nadale e sos folletos tenent una sorpresa fea meda.

### Folletu 1

Ohi ite dannu, nche sunt isparidos totu sos regalos!  
E como comente faghimus?



### Folletu 2

Chie est intradu a sa fàbrica nostra e si nch'at furadu totu sos giogos?

### Babbu Nadale

Ohi, iscuru de me, e como ite nche lis leo a sos pitzinnos bonos?  
Non b'at prus tempus pro fàghere àteros giogos e sos pitzinnos s'ant a dispràghere meda! Iscreddos!



### Folletu 3

Andamus dae su Magu de su Nie, issu nos at a agiudare cun s'isfera màgica a agatare sos giogos. Ajò amigos, andamus!

### Folletos

O Magu de su Nie, pro praghene a nos podes agiudare a agatare sos giogos de Babbu Nadale? Pregunta a s'isfera tua in ue los podimus agatare.

### Magu (cun sas manos tocat s'isfera)

Isfera màgica, isfera fadada, chie nch'at furadu sos giogos, una majàrgia o una fada? Bio... Bio... in sa bidida chi s'agatat in su desertu b'at una majàrgia chi si narat Isconsolada e tenet totu sos regalos.



## NARRADORE 1

Assora sos folletos leant s'islita e partint a cara a su desertu. Imbatent a domo de sa majàrgia e pìchiant a sa gianna: TOC TOC...

**Majàrgia**  
Chie b'est?

**Folletos**  
Semus sos folletos de Babbu Nadale.

**Majàrgia**  
Andade bos nche!



**Folletu 5**  
Pro praghene, Isconsolada, torra nos sos giogos, si nono sos pitzinnos de totu su mundu ant a èssere dispràghidos meda.

**Majàrgia**  
Nono! Como sunt sos mios e bastat!



**Folletu 6**  
Ma ite ti nde faghes de totu custos giogos?  
Sunt tropu pro te!

**Folletu 7**  
Faghe una cosa: lassa ti su giogu  
chi ti praghet de prus  
e torra nos sos àteros.

**Majàrgia**  
De a beru ses narende?

**Folletos**  
Emmo!



## Majàrgia

Andat bene, nde sèbero unu e bos torro sos àteros, assora.

## Folletos

Ite cosa bella!

## Narradore 1

Sa majàrgia Isconsolada non fiat mala, iscuredda, ma no aiat retzidu mai regalos in totu sa vida sua e pro custu fiat birbètica.

## Narradore 2

Ma dae sa die, Isconsolada fiat divènnida bona meda e fiat cuntenta de ajudare a Babbu Nadale a fàghere sos giogos pro sos pitzinnos bonos e in prus faghiat turtas bonas meda pro sos folletos.



## TOTUS

E gasi fiant totus cuntentos!

# BONA PASCA DE NADALE A TOTUS!



# Babbu Nadale

## Leghe e colora

Babbu Nadale benit a su note  
mudu mudu, a mesanote.


Dormint sos pitzinnos bonos  
e cuntentos sòniant sos donos.

Babbu Nadale no at a mancare  
ogni pitzinnu de cuntentare.



Agiua a Babbu Nadale  
a agatare su sacu cun sos regalos

Colora a praghene tuo



# Ite figura at a essere?

Colora cunforma a sos nùmeros



Biancu



Ruju



Grogu



Colore de castàngia



Biaitu




Colore de arantzu



Birde



Colore de rosa



**Annu nou**  
**Leghe e colora**



Isperamus chi ocannu  
siat serenu e sena afannu.

Siat sa paghe in su mundu  
e sa gherra posta a fundu.

Onni coro siat cuntentu  
e de isperas prus de chentu.



★ Annu nou  
Colora a praghère tuo





*Adiosu annu betzu!*

*Benènnidu annu nou!*

*Bonos printzipios  
e mègius fines!*

# Sos durches de Nadale

Iscrite su nùmene, colora e pinta.nde àteros



# Sa Befana

## Leghe e colora

So una giaja simpàtica e istrana,  
minores e mannos mi narant Befana.

Cando benit s'Epifania  
deo traballo cun allegria:

preno sas calzas de milli colores  
cun caramellas de tantos sabores.

In calicuna, ca tèngio resone,  
bi lasso puru unu pagu de carbone.

Poi cando torro a domo mia  
agato una cosa bella ebbia!

Billetes bellos iscritos in tundu  
dae sos pitzinnos de totu su mundu!

Mi torrant gràtzias pro cussos donos  
chi ant agatadu ca sunt totus bonos.



# Sa note de sa Befana

Bortadura de "La notte della Befana" (M. Lodi, M. Bufalin)

*Sa Befana paret unu personàgiu de àteros tempos. In custu contu, imbetzes, bidimus chi podet èssere finas moderna.*

Fiat mesanote, cando Marcella at intesu un'istragamuzu in sa cobertura. Nd'est calada in presse dae su letu, s'at postu unu golfo in palas, at curtu a coghina e at abbaidadu a fora: b'aiat un'elicòteru calende-nche a su balconitu. S'est abertu unu portellu. Marcella at istralunadu sos ogros: fiat pròpiu issa sa chi nde fiat calende a sacu in palas, fiat sa betzitedda de sos giogos, sa Befana!



«Ite ses faghende inoghe, pitzinnedda?» at naradu sa betzedda «Non nche devias èssere in su letu?»

«Che... Che... Cheria... ti cheria biere...» at achicadu Marcella cun boghe fine-fine. «Frade meu Franco narat chi sa Befana no esistit, e deo imbetzes naraia chi emmo... Cheria èssere segura.»

Sa Befana at naradu risitende:

«Mi bient ebbia sos pitzinnos chi ischint ancora sonniare.»

«Ma tue,» at naradu Marcella «no biagiaias a caddu de un'iscòvulu?»

«Eh,» at rispostu sa Befana «àteros tempos! In su mundu càmbiat totu, e deo fia istraca de andare a caddu de un'iscòvulu betzu. Ma como devo andare. Nara, pitzinnedda, ite cheres a regalu?»

«A nàrrere sa veridade deo dia chèrrere una domo cun una bella tziminera. Inoghe in coghina nche tenimus s'istufa a elètricu, su termosifone, su frigoriferu... Ma a mie mi diat pràghere sa tziminera cun unu bellu fumajolu in artu.»

«Non faghet,» at naradu sa betzedda «oramai in domo tua logu pro sa tziminera e pro su fumajolu non nche nd'at. Cosas betzas! Pedi-mi àtera cosa.»

«E assora,» at naradu Marcella «faghe-mi fàghere unu giru cun tegus, a dare sos giogos.»

Sa Befana s'est parada unu pagu a pensare, a pustis at naradu:

«Custu est unu regalu chi non ti dia pòdere fàghere, e posca in s'elicòteru non b'at logu.»

«Ma deo mi setzo in coa tua!» at esclamadu sa pitzinna.

«E beni, assora, in presse!» at naradu risitende sa betzedda.  
«Devo andare finas a carrigare àteros giogos.»

Marcella at sètzidu in coa de sa Befana. S'elicòteru at mòvidu muinende.

Carchi ventana fiat ancora alluta; a una parte e a s'àtera de sas carreras si bidiant sas insignas de tantos colores cun sas lughes de neon.

S'elicòteru at firmadu in sa cobertura de unu palatzu mannu.

Narat sa Befana: «Lestra, piga a coddu e apressa·mi!»

Nche sunt caladas in unu fumajolu nieddu.

A ùrtimu sunt imbàtidas a un'apostu mannu, cun tantos giogos: niunu los diat àere pòdidos contare.

«Ma inoghe semus in su supermercadu!» at naradu Marcella.

«Ello!» at naradu sa Befana «a mie mi dant totu in donu. Lestra, pitzinnedda, agiua·mi a prenare su sacu.»

Marcella seberaiat sos regalos prus bellos: trenos elètricos, robot, aeroplanos e tantas pipias. «Oh!» at esclamadu sa pitzinna «Acò a Topo Gìgio, a Rosi, a Mercoledì, a Ino e a totu sos àteros!»

Marcella poniat sos giogos in su sacu, chi pariat piticu ma non si preniai mai.

Cando in ùrtimu su sacu fiat prenu, s'elicòteru at torradu a mòvere: s'acostaiat a sas ventanas, a sos portellitos.

Sa betzedda nde calaiat, nche leaiat sos regalos e nche los poniat in sas calzas apicadas.

A ùrtimu sa Befana nch'at torradu sa pitzinna a domo.




«Cras conto totu a frade meu, a mama e a babbu» at naradu Marcella.

«Emmo, conta totu» at naradu sa betzedda  
«Ma si non sunt bonos a sonniare comente a tie, non f'ant a crèere.»



# Sos bestires de sa Befana

Iscrite sos nùmenes de sos bestires de sa Befana e colora sighende sos inditos



birde

ruju

biaitu

colore de chelu

colore de castàngia (paldu)


grogu

birde

nieddu


grogu

colore de arantzu



# Ite figura at a essere?

Auni sos puntigheddos  
e a pustis colora





# Colora, iscrie, retàllia e apìtziga











# S'àrbore de sos bonos propòsitos






Retàllia sas figuras e iscrie-bi unu bonu propòsitu pro Nadale.  
A pustis colora e apica-las a s'àrbore de Nadale.




Aco' carchi esempru...
















# Babbu Nadale

Retàllia sas partes de su carenadu, apìtziga-las a su cartone, colora-las e a pustis cumpone sa figura














# Sos folletos de Nadale



Retàllia sas partes de su carenadu, apìtziga-las a su cartone, colora-las e a pustis cumpone sa figura














# Su presèpiu meu






Iscrite, colora,  
retàllia e apitziga




















































**Chie est? Iscrie-lu in sardu**





---




























































**Chie est? Iscrie·lu in sardu**

---








**Chie sunt? Iscrie·lu in sardu**

---









**Chie sunt? Iscrie-lu in sardu**





---









**Ite est? Iscrie-lu in sardu**





---






**Ite animale est? Iscrie-lu in sardu**


---







Ite est? Iscrie·lu in sardu \_\_\_\_\_







REGIONE AUTÒNOMA DE SARDIGNA  
REGIONE AUTONOMA DELLA SARDEGNA



## UFÌTZIU LIMBA SARDA Unione Comunes de Piana

Lege 482/1999 (Artt. 9 e 15)

Lege regionale 22/2018 (art. 10, comma 5, annualidade 2022)

A su progetu b'ant leadu parte sos Comunes chi sighint:  
Bosa, Frussio, Magumadas, Mòdolo, Montresta, Sàgama, Sune, Tinnura, Tresnuraghes